НАМАНГАН ТУМАНЛАРАРО ИКТИСОДИЙ СУДИНИНГ А Ж Р И М И

(даъво аризасини кўрмасдан қолдириш тўгрисида)

Наманган шахри

2024 йил 8 август

судья: Х.Умаров

Наманган туманлараро иктисодий судининг судьяси Х.Умаровнинг раислигида, судья ёрдамчиси А.Асқаровнинг котиблигида, Наманган вилоят фермер, деҳқон хўжаликлари ва томорқа ер эгалари кенгаши даъвогар "Sahiy sayd barakasi" фермер хўжалиги манфаатида жавобгар "Наманган пахта текс" масъулияти чекланган жамияти ҳисобидан 88 486 472 сўм ундириш тўғрисидаги даъво аризаси бўйича юритилган иктисодий ишни Кенгаш вакили У.Акбаров (ишончнома асосида), жавобгар вакили М.Саттаров (ишончнома асосида)ларнинг иштирокида суднинг биносида очиқ суд мажлисида кўриб чиқиб, қуйидагиларни

аниклади:

Наманган вилоят фермер, деҳқон хўжаликлари ва томорқа ер эгалари кенгаши даъвогар "Sahiy sayd barakasi" фермер хўжалиги манфаатида судга даъво аризаси билан мурожаат қилиб, жавобгар "Наманган пахта текс" масъулияти чекланган жамияти ҳисобидан 88 486 472 сўм ундиришни сўраган.

Кенгаш вакили суд мажлисида даъво аризаси бўйича тарафлар келишувга эришганлигини, ўзаро медиатив келишув тузилганлигини маълум қилиб, даъвони кўрмасдан қолдиришни сўради.

Суд мажлисида иштирок этган жавобгар вакили судга ариза такдим этиб, тарафлар ўртасида 2024 йил 5 август куни тузилган медиатив келишувни тасдиклаб беришни сўради.

Суд мажлисининг вақти ва жойи тўғрисида тегишли тарзда хабардор қилинган даъвогар суд мажлисида иштирок этмади. Даъвогар ишни ўзининг иштирокисиз кўришни сўраган.

Мазкур ҳолатда суд Ўзбекистон Республикаси Иқтисодий процессуал кодекси (бундан буён матнда ИПК деб юритилади)нинг 170-моддасига асосан ишни даъвогар иштирокисиз кўриш мумкин деб ҳисоблайди.

ИПКнинг 131-моддаси талабига кўра тарафлар низони келишув битимини ёки медиатив келишувни тузиб ҳал этиши мумкин.

Келишув битими ёки медиатив келишув даъво тартибидаги ҳар қандай иш бўйича тузилиши мумкин.

Ўзаро 2024 йил 5 августда тузилган медиатив келишувда тарафлар ўртасидаги низо медиатив келишув асосида ҳал этилиши белгиланган.

ИПК 107-моддаси биринчи қисмининг 5^3 -бандига мувофиқ тарафлар ўртасида медиатив келишув тузилган бўлса суд даъво аризасини кўрмасдан қолдиради.

"Давлат божи тўғрисида"ги Ўзбекистон Республикаси Қонуни 18-моддаси биринчи қисмининг 9-бандига мувофик агар тарафлар ўртасида медиатив келишув тузилган бўлса, ариза кўрмасдан қолдирилганда, давлат божи қайтарилиши кераклиги белгиланган.

Қайд этилганларга асосланган ҳолда суд даъво аризасини кўрмасдан қолдириб, судга даъво тақдим этилишида олдиндан давлат божи тўланмаганлиги сабабли тарафлардан иш бўйича давлат божи ундирмасликни лозим топади.

Бинобарин ИПКнинг 107, 170, 195-196-моддаларини қўллаб, суд

Наманган туманлараро иқтисодий судининг иш юритувида бўлган 4-1604-2401/3372-сонли иқтисодий иш бўйича тарафлар ўртасида 2024 йил 5 август куни медиатив келишув тузилганлиги муносабати билан даъво аризаси кўрмасдан қолдирилсин.

Ажримдан норози тараф бир ой муддат ичида апелляция шикояти (протест) келтириши мумкин.

Раислик этувчи, судья

Х.Умаров

